

0144/LI/2018 Foru Agindua, martxoaren 5koa, 2018ko denboraldian Gipuzkoako Lurralde Historikoan ibai arrantzaren aprobetxamenduari buruzko araudia garatzen duena.

(2018ko martxoaren 13ko GAO)

OHARRA

Testu hau dibulgaziozkoa da soilik, eta ez du inolako izaera ofizialik. Araua osoa eta eguneratua jasotzen da bertan.

Arrantza aberastasunaren sustapena, kontserbazioa eta aprobetxamendu antolatua arautzen dituen Ibaietako Arrantzari buruzko 1942ko otsailaren 20ko Legeak eta 1943ko apirilaren 6ko Dekretuz onartutako Erregelamenduak, nahiz 2014ko apirilaren 15eko 1/2014 Legegintzako Dekretuaren bidez onartutako Euskal Autonomia Erkidegoko Natura Kontserbatzeko Legearen testu bateginak eta Natur Ondarea eta Biodibertsitateari buruzko abenduaren 13ko 42/2007 Legeak ezarritakoa betez, beharrezko egiten da, batetik, arrantza-aprobetxamenduko espezieen arrantza-aldiak zehaztea, 2018ko denboraldian haien populazioak babestu eta hobetzeko, eta bestetik, Gipuzkoako Lurralde Historikoan behar bezain babesturik ez dauden edo urriak diren espezieen arrantza debekatzea.

Bestalde, Auzitegi Gorenaren Hirugarren Aretoak, 2016ko martxoaren 16an emandako epaiaren bidez (2016ko ekainaren 17an Estatuko Aldizkari Ofizialean argitaratua), Espezie Exotiko Inbaditzaileen Espainiako Katalogoa arautzen duen 2013ko abuztuaren 2ko 630/2013 Errege Dekretuaren zenbait alderdi aldatzen ditu. Izan ere, Gipuzkoako Lurralde Historikoan arrantza kontinentala urtero erregulatzen duten foru aginduetan aldaketak sartzea behartzen du.

Era berean, eta 2007ko abenduaren 13ko 42/2007 Legeak 64.3. artikuluan ezartzen duenaren arabera, 2015eko irailaren 21eko 33/2015 Legearen aldaketaren ondorioz, «Katalogoan sartuta egoteak berekin dakar ale biziak, horien hondakinak edo bizirik atera edo ugaltu daitezkeenak edukitzeko, garraiatzeko, trafikatzeko eta saldu eta erosteko debeku generikoa, kanpo merkataritza barne». Debeku hori indarrik gabe gera daiteke, baldin eta aurretik administrazio eskudunak baimena eman badu ikerketa, pertsonen osasun edo segurtasun izaerako arrazoiak daudelako, edo animalien gaixotasunak kontrolatu eta desagertzeko beharra dagoelako, betiere helburu horretako onartutako estrategia, plan eta kanpainen barruan».

Eusko Jaurlaritzaren 42/1985 Dekretuaren bidez eta Gipuzkoako Foru Aldundiaren 21/1985 Foru Dekretuaren bidez, biak martxoaren 5ekoak, egindako transferentzia aldaketaren ondoren, Gipuzkoako Foru Aldundiari dagokio gai hori arau bidez garatzea.

Hortaz, Gipuzkoako Lurralde Historikoko Arrantza Kontinentalaren Kontseiluari entzunik, foru diputatu honek ondorengo xedatu du:

1. artikulua. Harrapa daitezkeen espezieak.

Harrapa daitezkeen espezieak honako hauek dira:

Izokin atlantiarra (*Salmo salar*).

Amuarrain arrunta (*Salmo trutta fario*).

Barboa (*Barbus graellsii*).

Loina txikia (*Parachondrostoma miegii*).

Lupia arrunta (*Dicentrarchus labrax*).

Hondoetako korrokoia (*Chelon labrosus*).

Platuxa (*Platichthys flesus*).

2. artikulua. Arrantzara aldiak, egunak eta orduak.

1. Arrantzaldiak:

a) Aurtengo denboraldian, ibai arrantzaldia apirilaren 1etik uztailaren 31ra izango da, biak barne.

b) Araxes, Leitzarari I, Leitzarari II eta Zelai, hil gabeko arrantzan egiteko barrutietan, arrantzaldia, berriz, martxoaren 18an hasiko da.

c) Urumea, Oria, Urola eta Debako hil gabeko arrantza tarte batzuetan, II. eranskinean zehazten direnak, eta Ibiurreko urtegiaren, arrantzaldia irailaren 30era arte luzatuko da.

d) Ziprinidoen arrantza, 9 artikuluan izendatutako tartetean, urte osoan egin ahal izango da.

e) IV eranskinean deklaraturako arrantza intentsiboko barrutiak irekita egongo dira 2018ko urriaren 1etik aurrera 2019ko maiatzaren 31ra arte.

2. Arrantza egunak: arrantzaldiaren barruan, arrantzan egiteko egunak asteko egun guztiak izango dira.

3. Arrantza orduak: egunsentia baino ordu bete lehenagotik eta ilunsentira arte.

3. artikulua. Gehieneko harrapaketa kopurua.

1. Arrantzale bakoitzak egunero harrapa dezakeen espezie bakoitzeko gehieneko harrapakin kopurua honako hau da:

Amuarrain arrunta (*Salmo trutta fario*): 3.

Barboa (*Barbus graellsii*): 6.

Loina (*Parachondrostoma miegii*): 25.

Lupia arrunta (*Dicentrarchus labrax*): 5.

Hondoetako korrokoia (*Chelon labrosus*): 12.

Platuxa (*Platichthys flesus*): 12.

2. Harrapaketan hautaketarik ez dadin egin, ezingo da, baimendutako tamainako amuarrain bat harrapatzen bada, hura ibaira itzuli, egun osoan hil gabeko arrantzaren modalitatea bakarrik egiten den kasuan salbu.

4. artikulua. Gutxieneko eta gehieneko neurriak.

Harrapa daitezkeen espezieetarako, gutxieneko neurriak hauek izango dira:

— Amuarrain arrunta (*Salmo trutta fario*): 22 cm.

— Barboa (*Barbus graellsii*): 20 cm.

— Loina (*Parachondrostoma miegii*): 8 cm.

— Lupia arrunta (*Dicentrarchus labrax*) 36 cm.

— Hondoetako korrokoia (*Chelon labrosus*) 20 cm.

— Platuxa (*Platichthys flesus*) 25 cm.

* Amuarrain arruntaren kasuan (*Salmo trutta fario*), 35 cm izango da gehieneko neurria.

Arrain baten luzera buruaren aurreko muturretik isats hedatuaren erdiko punturaino neurtuko da (furka).

Adierazitakoa baino luzera laburragoa duten arrain guztiak uretara itzuliko dira, handik atera bezain laster.

5. artikulua. Arrantza tresnak eta elementu lagungarriak.

1. Arrantza tresnak: arrainak harrapatzeko, kanabera da arrantza-tresna baimendu bakarra. Oro har, Gipuzkoako Lurralde Historikoko ibai eta urtegietan, arrantzale bakoitzeko bi kanabera onetsiko dira eta biak eskura izan beharko ditu arrantzaleak.

2. Tresna lagungarriak: baimenduta dago «salabardoa» era-biltzea, tresna lagungarri gisa. Kanaberarekin harrapatutakoak uretatik ateratzeko lagungarri gisa bakarrik erabiliko da tresna hori. Hil gabeko arrantzan egiteko tarte eta barrutietan, salabardoa erabili behar da derrigorrean, harrapatzen diren arrainak, amutik askatzerakoan, ahal den gutxien kalte-tzeko.

6. artikulua. Beita eta amuak.

1. Beita natural gisa, baimentzen den bakarra lur-zizarea da (*lumbricidae*).

2. Hil gabeko arrantzarako tarteetan, barrutiak nahiz libreak izan, honako hauek bakarrik baimentzen dira: euli artifiziala bere modalitate guztietan (euli lehorra, ninfa, serpentina eta euli itoa) eta koilara edo arrain artikulatuak («rapala» eta antzekoak), amu bakarrarekin eta garrangarik gabe, beren modalitate guztietan.

3. Gipuzkoako ibai, erreka eta urtegietan kirol arrantza egitean debekatuta dago edozein motatako garrangadun amuak erabiltzea. Erabilera baimentzen da baldin eta garrangak behar bezala zapalduta egoten badira.

4. Debekatuta dago arrantzan egin aurretik edo arrantzan egin bitartean uretara beita botatzea.

5. Era berean, eta tamainaren arabera aske utzi behar den amuarrain arruntaren harrapaketak zaintzeko, kirol arrantza baimenduta dagoen tarteetan beita naturalarekin egiten bada, amuek gutxieneko neurri hauek izango dituzte: 20 mm luze eta oinarrian 7 mm zabal.

6. Debekatuta dago presetatik eta eskaletako sarreretatik 50 m baino gertuago arrantza egitea.

7. artikulua. Dokumentazioa.

Gipuzkoan ibaietan arrantzan egin ahal izateko, honelako agiri hauek behar dira, 1997ko urriaren 7ko 216/97 Dekretuaren arabera (Euskal Herriko Agintaritzaren Aldizkaria, 203 zk., 1997ko urriaren 23koa):

- Ibai arrantzarako erkidegoko baimena.
- Dagokion urteko tasaren ordainagiria.
- NA edo pasaporte, eta 16 urte baino gazteagoen kasuan, haien nortasuna frogatzen duen edozein agiri.
- Arrantza barrutietan arrantzatzeke dagokion baimena.

8. artikulua. Arrainen bizitza babestea.

Ondorengo debekuak ezartzen dira:

1. Seinaleztatuta dauden errun aldeetan uretan sartzea, apirilaren 30era arte, egun hori barruan dela.
2. Ornogabeak ateratzea Gipuzkoako ibai eta errekaetatik.
3. Legezko neurrira iristen ez den amuarrain bat harrapatuz gero, eta arrainari ezin bazaio amua kendu hari kalte larria egin gabe, amuarrainari haria moztuko zaio ahotik ahalik eta gertuen, eta aske utziko da.
4. Arrantza errazteko asmoz edo asmo hori gabe, edozein prozedura erabiliz harrizko, egurrezko edo beste material bateko oztopo edo barrerak jartzea, edo ubideak nahiz ur-emariak aldatzea.
5. Gipuzkoako Lurralde Historikoko ibai eta urtegitan uretako edozein espezie sartzea edo askatzea, Ekonomia Sustapeneko, Landa Inguruneko eta Lurralde Orekako Departamentuaren beharrezko baimena izan gabe.

9. artikulua. Ziprinidoen arrantza tarteak.

Orokorrean ezarritako garaian harrapatu ahal izango dira, honako tarteetan izan ezik:

- Urola ibaia: Aizarnazabalgo zubi zaharretik Zestoako bainu-etxeko zubi zaharreraino.
- Deba ibaia: Sasiolako zubitik Altzolako errotaraino, Elgoibarko udalerrian. Horietan ziprinidoak arrantzatzea urte osoan baimenduko da.

10. artikulua. Espezie exotiko inbaditzaileen Espainiako zerrenda eta katalogoko arrain espezieak.

Arrantzak debekaturik jarraitzen du. 630/2013 Errege Dekretuarekin bat eginez, espezie exotiko inbaditzaileen Espainiako katalogoa arautzen duena, espezie hauen arrantza Urkuluko urtegian arautuko duen berariazko araudia Foru Agindu bidez onartuko da. Arrantza mota hau, espezie hauek kudeatu, kontrolatu edota desagerrarazteko ezartzen da.

11. artikulua. Karramarroak.

Arrantza debekaturik jarraitzen du. 630/2013 Errege Dekretuarekin bat eginez, espezie exotiko inbaditzaileen Espainiako katalogoa arautzen duena, karramarroaren arrantza Leizaranen arautuko duen berariazko araudia Foru Agindu bidez onartuko da. Arrantza mota hau, espezie hauek kudeatu, kontrolatu edota desagerrarazteko ezartzen da.

12. artikulua. Arrantza egiteko baimenduta dauden ibai, erreka eta urtegiak.

Ondoren, Gipuzkoako Lurralde Historikoko arrantza gunek zerrendatzen dira (tarte libreak, hil gabeko arrantzan egiteko tarteak, arrantza barrutiak eta arrantza intentsiboko barrutiak).

Gipuzkoan arrantza, bakarrik «Arrantza Guneetan» egin daiteke. «Arrantza gunek» izeneko zerrendan aipatzen ez diren ibai, erreka eta urtegiak debekueko tarteak dira.

Arro hidrografiko bakoitzeko «Arrantza Guneak» kontsultatu daitezke ondoren zehazten diren esteken bitartez.

Arrantza gunek.

Bidasoa Arroa:

<https://goo.gl/maps/S8sskvs4MGM2>.

— Bidasoa ibaia, beheko muga, Lamiarri baserritik Nafarroako mugaraino.

Oiartzun Arroa:

<https://goo.gl/maps/3oayH5q9mXH2>.

— Oiartzun ibaian bi «arrantza gune» daude:

1. Beheko muga, Gabierrotako pasagunetik Vicente Cobreros kaleko zubira arte. Errenteriako udalerria.

2. Oiartzun eta Sarobe ibaiek bat egiten duten gunetik Arditurri errekaekin bat egiten duten guneraino. Oiartzungo udalerria.

Urumea Arroa:

<https://goo.gl/maps/z7XBJ2HjYaQ2>.

— Urumea ibaian 3 «arrantza gun» daude:

1. Beheko muga, Ergobiako zubitik Eziagoko pasagune arte. Hernaniko udalerrria.
2. Lastaola industrialdera doan zubitik Arriurdiñetako presa arte.
3. Latxe errekaaren ibai-ahotik Bezkita erreka arte.

Oria Arroa:

<https://goo.gl/maps/Hvqt9uBmPxG2>.

— Oria ibaian bi «arrantza gun» daude:

1. Beheko muga, Usurbilgo Zubietako zubitik Tolosako Arramele auzora arte.
2. Beheko muga, Tolosako presa puzgarritik Zegamako Ugarteburu kaleko zubira arte.

— Agauntza ibaia: Oria ibaian isurtzen duenetik Kaxetako zubiraino. Beasain, Lazkao eta Ataungo udalerrriak.

— Amezketza ibaia: Oria ibaian isurtzen duenetik Bedaio erreka arte. Alegi eta Amezketako udalerrriak.

— Amundarain ibaia: Oria ibaian isurtzen duenetik Arkakako zentral hidroelektrikoraino. Ordizia, Arama eta Zaldibiako udalerrriak.

— Araxes ibaia: Oria ibaian isurtzen duenetik Nafarroako mugaraino. Altzo, Lizartza eta Gazteluko udalerrriak.

— Asteasu ibaia: Oria ibaian isurtzen duenetik, Arraiaga errekaekin bat egiten duen guneraino. Asteasu eta Zizurkilgo udalerrriak.

— Leitzaran ibaia: Oria ibaian isurtzen duenetik Berastegiko Plazaola presa arte.

— Santiagoerreka ibaia: Oria ibaian isurtzen duenetik Andatzako goiko zubiraino. Aiako udalerrria.

— Zelai ibaia: Oria ibaian isurtzen duenetik Ugane baserria eta presaraino. Tolosa, Ibarra, Belauntza, Berrobi, Berastegi eta Elduaingo udalerrriak.

— Arriaran urtegia.

— Ibiur urtegia.

Urola Arroa:

<https://goo.gl/maps/y8yCtaqHUUH2>.

— Urola ibaian hiru «arrantza gun» daude:

1. Aizarnazabalgo zubitik tren geltokiaren estaldura arte (Urretxun, Akelarre Elkartearen atzekaldean).

2. Zumarraga-Urretxuko Aparicio estalduratik Legazpiko Sidenor (Antxute) estalduraino.

3. Legazpiko Azpikoetxe kaleko zubitik Telleriarteko Pastain etxera doan zubiraino.

— Ibaieder ibaia: Urola ibaian isurtzen duenetik Orbegozo tabernaren zubiraino. Azpeitiko udalerrria.

— Regil ibaia: Ibaieder ibaian isurtzen duenetik Domusako zubiraino. Azpeitia eta Errezilgo udalerrriak.

— Ibaieder urtegia.

— Barrendiola urtegia.

Deba ibaiaren arroa.

<https://goo.gl/maps/g2yLm6k7B4F2>.

— Deba ibaia: beheko muga, Mutrikuko Sasiolako zubitik Eskoriatzako Edesa industrialeko zubiraino.

— Aramaio ibaia: Deba ibaian isurtzen duenetik Arabako mugaraino.

— Arantzazu ibaia, bi «arrantza gun»:

1. Beheko muga, Oñati errekararekin bat egiten duenean, Lamiategiko ur-jauziraino.

2. Beheko muga, Olateko zentrala, Urruzola errotako zubiraino.

— Oñati ibaia: Deba ibaian isurtzen duenetik Olabarrieta auzoko zubiraino.

— Urkulu urtegia.

13. artikulua. Urtegiak eta arrantzan egiteko tarte libreak.

Foru Agindu honen I. eranskinean azaltzen dira Gipuzkoako Lurralde Historikoko ur kontinentaletan, 2018ko denboraldian, arrantzarako baimentzen diren urtegi eta tarte libreak.

14. artikulua. Hil gabeko arrantzan egiteko tarteak.

Foru Agindu honen II. eranskinean azaltzen dira Gipuzkoako Lurralde Historikoko ur kontinentaletan, 2018ko denboraldian, hil gabeko arrantzarako baimentzen diren tarteak.

Tarte horietan harrapatutako arrainak uretara itzuli beharko dira atera bezain laster.

15. artikulua. Arrantza barrutiak.

2018ko denboraldian, Gipuzkoako Lurralde Historikoko arrantza barrutiak III. eranskinean ezarritakoak izango dira.

16. artikulua. Arrantza intentsiboko barrutiak.

2018ko denboraldian, Gipuzkoako Lurralde Historikoko arrantza intentsiboko barrutiak IV. eranskinean ezarritakoak izango dira, eta bertan jasotzen dira arrantza barruti horietako funtzionamendu arauak.

17. artikulua. Merkaturatzea.

Debekaturik dago Lurralde Historiko honetako uretan harrapatutako amuarrain arrunta merkaturatzea. Era berean, Eusko Jaurlaritzako Nekazaritza eta Arrantza Sailburuaren 1990eko irailaren 25eko Aginduaren arabera (Euskal Herriko Agintaritzaren Aldizkaria, 199 zk., 1990eko urriaren 3koa), debekatuta dago Euskal Autonomia Erkidegoko lurralde historiko guztietan edozein espezieetako ibai karramarroa bizirik merkaturatzea, eta baita harrapatutakoak merkaturatzea ere.

18. artikulua. 2018. urtean barrutietan arrantza egiteko bai-menak.

Gipuzkoako arrantza barrutietara joateko baimenak Gipuzkoako Arrantza Federazioaren web orriaren bitartez emango dira (<http://pases.gipuzkoakoarrantzafederazioa.net/>), eta Federazioan, (Zuatzu enpresa parkea, Urgull eraikina 3 zk., 1. solairua, Donostian).

Gipuzkoako barrutietara arrantzara joateko ezinbesteko baldintza izango da eskaera egin aurreko urtebetean arrantzako araudia urratzeagatik zigortuta ez egotea.

19. artikulua. Bestelako neurriak.

Gorabehera klimatiko, biologiko edo bestelakoengatik arrainei egin dakizkiekeen kalteak eragoztearren, Ekonomia Sustapeneko, Landa Inguruneko eta Lurralde Orekako Departamentuak agindu honen bidez erregulaturiko edozein alderdi aldatu edo garatu ahal izango du, eta baita egoki deritzon beste batzuk arautu ere.

20. artikulua. Muga egiten duten uretan egindako arrantza.

Beste lurraldeekin muga egiten duten uretan, eta arrantza garaiari, harrapaketa kopuruari, neurriei, beitei eta beste baldintza orokor batzuei dagokienez, arrantza arautzen duen araurik zorrotzenak xedatutakoa jarraituko da.

21. artikulua. Izokin atlantiarra.

Bidasoa ibaiko nazioarteko tartean, izokina nahiz ibaietako bestelako ur espezieen arrantza garai eta baldintzak tarte horretako arrantzari buruzko Erregelamenduak berak ezarritakoak izango dira. Ibai horretako Gipuzkoako aldean Nafarroako Debekuei buruzko Aginduan xedatutakoari jarraituko zaio. Gipuzkoako gainerako ibaietan debekaturik egongo da izokina harrapatzea.

22. artikulua. Arrantza-gunea mugikortasun murriztuko pertsonentzat, 15 urteko baino gazteentzat eta 65 urte baino zaharrentzat.

Leitzarain ibaian, 2018ko apirilaren 1etik (barruti intentsiboaren itxiera) eta irailaren 30 artean, hil gabeko arrantzan egiteko gune bat ezartzen da mugikortasun murriztuko pertsonentzat, 15 urteko baino gazteentzat eta 65 urte baino zaharrentzat bakarrik.

Arrantza-gunearen mugak honako hauek izango dira:

- Goiko muga: aforalekua.
- Beheko muga: Galgo Paperreko presa.

23. artikulua. Zebra muskuiluaren kontrako prebentzio neurriak.

Ibai eta urtegiko arrantzan erabiltzen diren bitartekoak behar bezala desinfektatu behar dira; bereziki, arrantzan erabilitako are-saskiak, salabardoak eta botak.

Espresuki debekatzen da ahate motako tresnekin uretan sartzea arrantzan egiterakoan.

Amaierako xedapena.

Foru agindu hau Gipuzkoako Aldizkari Ofizialean argitaratzen den egunean sartuko da indarrean.

Xedapen indargabetzailea.

Indargabeturik geratzen dira foru agindu honetan ezarritakoaren aurka dauden maila bereko edo apalagoko xedapen guztiak.

I. ERANSKINA

2018ko kanpainan zehar urtegi eta arrantza tarte libreak.

Urumea Arroa:

- Latxe errekaen ibai-ahotik Bezkita erreka arte.

Oria Arroa:

— Oria ibaia: Gi-2637 errepidean, Mutiloara doan biribilgunetik Zegamako Ondaraldea auzora doan zubiraino.

- Agauntza ibaia: Iribe errota presatik (Irutxiki) Ataungo Astigarragako pasaguneraino.

— Amezketa ibaia: Oria ibaian isurtzen duenetik Orendaingo udalerriko Baldanalde aldeara doan zubiraino.

- Arriaran urtegia.

Urola Arroa:

- Zumarraga-Urretxuko Aparicio estalduratik Legazpiko Sidenor (Antxute) estalduraino.

- Ibaieder ibaia: Zapatari baserritik Azpeitiko Toberagile errotako presaraino.

- Errezil ibaia: Estradazar baserriko zubitik Domusa zubiraino.

- Ibaieder urtegia.

- Barrendiola urtegia.

Deba ibaiaren arroa.

- Oñati ibaia: Oñatiko Zubillaga presatik San Pedro zubiraino.

- Urkulu urtegia.

II. ERANSKINA

2018ko kanpainan zehar hil-gabeko arrantza tarreak

Oiartzun Arroa:

— Oiartzun ibaian, hil gabeko arrantzarako bi tarte daude:

1. Beheko muga, Gabierrotako pasagunetik Vicente Cobreros kaleko zubira arte. Erreterriako udalerrria. Arrantzaldia: apirilaren 1etik uztailaren 31ra arte.
2. Oiartzun eta Sarobe ibaiak bat egiten duten gunetik Arditurri errekararekin bat egiten duten guneraino. Oiartzungo udalerrria. Arrantzaldia: apirilaren 1etik uztailaren 31ra arte.

Urumea Arroa:

— Urumea ibaian, hil gabeko arrantzarako bi tarte daude:

1. Beheko muga, Ergobiako zubitik Eziagoko pasagune arte. Hernaniko udalerrria. Arrantzaldia: apirilaren 1etik irailaren 30era arte.
2. Lastaola industrialdera doan zubitik Arriurdiñetako presa arte. Arrantzaldia: apirilaren 1etik uztailaren 31ra arte.

Oria Arroa:

— Oria ibaian hil gabeko arrantzarako lau tarte daude:

1. Beheko muga, Usurbilgo Zubietako zubitik Tolosako Arramele auzora arte. Arrantzaldia: apirilaren 1etik irailaren 30era arte.
2. Tolosako presa puzgarritik Zaldibia ibaiaren ibai-ahorai-no. Arrantzaldia: apirilaren 1etik irailaren 30era arte.
3. Zaldibia ibaiaren ibai-ahotik, Mutiloara doan biribilguneraino, Gi-2637 errepidean. Arrantzaldia: apirilaren 1etik uztailaren 31ra arte.
4. Zegamako Ondaraldea auzora doan zubitik Zegamako Ugarteburu kaleko zubiraino. Arrantzaldia: apirilaren 1etik uztailaren 31ra arte.

— Agauntza ibaian hil gabeko arrantzarako bi tarte daude:

1. Oria ibaian isurtzen duenetik Iribe errota presaraino (Irutxiki). Arrantzaldia: apirilaren 1etik uztailaren 31ra arte.
2. Ataungo Astigarragako pasagunetik Lizarrustira doan errepidearen zubiraino. Arrantzaldia: apirilaren 1etik uztailaren 31ra arte.

— Amundarain ibaia: Oria ibaian isurtzen duenetik Arkakako zentral hidroelektrikoraino. Ordizia, Arama eta Zaldibiako udalerrriak. Arrantzaldia: apirilaren 1etik uztailaren 31ra arte.

— Araxes ibaia: Oria ibaian isurtzen duenetik Celulosas del Araxes enpresako presaraino (Txarama). Arrantzaldia: apirilaren 1etik uztailaren 31ra arte.

— Asteasu ibaia: Oria ibaian isurtzen duenetik, Arraiaga errekararekin bat egiten duen guneraino. Asteasu eta Zizurkilgo udalerrriak. Arrantzaldia: apirilaren 1etik uztailaren 31ra arte.

— Leitzaran ibaia: Oria ibaian isurtzen duenetik, Olaberri presaraino. Arrantzaldia: apirilaren 1etik uztailaren 31ra arte.

— Santiagoerreka ibaia: Oria ibaian isurtzen duenetik Andatzako goiko zubiraino. Aiako udalerrria. Arrantzaldia: apirilaren 1etik uztailaren 31ra arte.

— Zelai ibaia: Oria ibaian isurtzen duenetik Belauntzara doan zubiraino. Arrantzaldia: apirilaren 1etik uztailaren 31ra arte.

— Ibiur urtegia. Arrantzaldia: apirilaren 1etik irailaren 30era arte.

Urola Arroa:

— Urola ibaian hil gabeko arrantzarako hiru tarte daude:

1. Zestoako bainu-etxeke zubi zaharretik Ibaieder ibai-ahoraino, Azpeitian. Arrantzaldia: apirilaren 1etik irailaren 30era arte.

2. Ibaieder ibaiaren ibai-ahotik tren geltokiaren estaldura arte (Urretxun, Akelarre Elkartearen atzekaldean). Arrantzaldia: apirilaren 1etik uztailaren 31ra arte.

3. Legazpiko Azpikoetxe kaleko zubitik Telleriarteko Pastain etxera doan zubiraino. Arrantzaldia: apirilaren 1etik uztailaren 31ra arte.

— Ibaieder ibaian hil gabeko arrantzarako hiru tarte daude:

1. Urola ibaian isurtzen duenetik Zapatari baserriraino. Azpeitiko udalerrria. Arrantzaldia: apirilaren 1etik uztailaren 31ra arte.

2. Toberagile errotako presatik Orbegozo taberaren zubiraino. Azpeitiko udalerrria. Arrantzaldia: apirilaren 1etik uztailaren 31ra arte.

— Errezil ibaia: Ibaieder ibaian isurtzen duenetik Estradazar baserriko zubiraino. Azpeitia eta Errezilgo udalerrriak. Arrantzaldia: apirilaren 1etik uztailaren 31ra arte.

Deba ibaiaren arroa.

— Deba ibaian, hil gabeko arrantzan egiteko bi tarte daude:

1. Beheko muga, Altzolako presatik Oñati eta Deba ibaiek bat egiten duten guneraino. Arrantzaldia: apirilaren 1 irailaren 30 arte.

2. Beheko muga, Oñati eta Deba ibaiek bat egiten duten gunetik Eskoriatzako Edesa Industrialeko zubiraino. Arrantzaldia: apirilaren 1etik uztailaren 31ra arte.

— Aramaio ibaia: Deba ibaian isurtzen duenetik Arabako mugaraino. Arrantzaldia: apirilaren 1etik uztailaren 31ra arte.

— Arantzazu ibaia: beheko muga, Olateko zentrala, Urruzola errotako zubiraino. Arrantzaldia: apirilaren 1etik uztailaren 31ra arte.

— Oñati ibaian, hil gabeko arrantzan egiteko bi tarte daude:

1. Deba ibaian izurtzen duenetik Zubillagako presaraino. Arrantzaldia: apirilaren 1etik uztailaren 31ra arte.

2. Oñati eta Arantzazu ibaiek bat egiten duten gunetik Aiastuiko zubiraino. Arrantzaldia: apirilaren 1etik uztailaren 31ra arte.

III. ERANSKINA

Arrantza barrutiak

Gipuzkoako Lurralde Historikoan hurrengo hauek deklaratu dira arrantza barruti:

1. Araxes.

Goiko muga: Nafarroarekin muga.

Beheko muga: Txaramako presa.

Udalerriak: Lizartza, Altzo, Leaburu eta Tolosa.

Modalitatea: hil gabeko arrantza, 6.2. puntuan ezarritako baldintzetan.

Baimen kopurua: 20.

2. Leitzaran I.

Goiko muga: Plazaolako presa.

Beheko muga: Osiñegi erreka.

Udalerria: Berastegi eta Elduain.

Modalitatea: hil gabeko arrantza, 6.2. puntuan ezarritako baldintzetan.

Baimen kopurua: 20.

3. Leitzaran II.

Goiko muga: Osiñegi erreka.

Beheko muga: Olaberriko presa.

Udalerria: Elduain.

Modalitatea: Hil gabeko arrantza, 6.2. puntuan ezarritako baldintzetan.

Baimen kopurua: 20.

4. Arantzazu.

Goiko muga: Miruerrekako presa.

Beheko muga: San Pedroko zubia.

Udalerria: Oñati.

Baimen kopurua: 8.

5. Lareoko urtegia.

Mugak: Lareoko urtegia.

Udalerria: Ataun.

Baimen kopurua: 15.

6. Zelai ibaia.

Mugak: Ugane baserria eta presatik, Belauntzako zubiraino.

Udalerria: Tolosa, Ibarra eta Belauntza.

Modalitatea: hil gabeko arrantza, 6.2. puntuan ezarritako baldintzetan.

Baimen kopurua: 10.

IV. ERANSKINA

Arrantza intentsiboko barrutiak

1. Gipuzkoako Lurralde Historikoan hurrengo hauek deklaratu dira arrantza intentsiboko barruti:

1.— Araxes: goiko muga: Insalusen presa. Beheko muga: Ibai-ahoraraino Orian.

2.— Leitzaran: goiko muga: Olaberri presa. Beheko muga: Bazkardoko urtegia, Oria ibaian.

3.— Agauntza: goiko muga: Iribe errotako presa (Irutxiki). Ibai-ahoraraino Orian.

2. Arrantza egunak: egun guztiak.

3. Arrantza orduak: 08:00tatik-18:00etara.

4. Eguneko gehienezko baimen kopurua: 30.

5. Baimenak lortzeko lekuak: Gipuzkoako Arrantza Federazioaren web orriaren bitartez emango dira (<http://pases.gipuzkoakoarrantzafederazioa.net/>), eta Federazioan Anoeta pasealekuan 5 zk., Donostian.

6. Betebeharrak: Barrutian arrantzatze baimena, arrantzarako lizentzia eta NAN edukitzea.

7. Baimenak pertsonalak eta eskualda ezinak izango dira.

8. Arrantzalea behartuta dago bere saskien eta antzeko elementuen edukia edozein unetan erakustera, baita ibilgailuak miatzen uztera ere, basozainek edo barrutiko arduradunak eskatzen badiote.

9. Modalitatea: hil gabeko arrantza, 6.2. puntuan ezarritako baldintzetan.

10. Harrapatutako arraien zaintza bermatzeko, derrigorrezkoa izango da salabardoa erabiltzea.

11. Debekatuta dago arrantza barrutiaren tarte nagusira isurtzen duten ibai adarretan arrantzan aritzea.

12. Gipuzkoako Barruti Intentsiboetara arrantzara joateko, ezinbesteko baldintza izango da arrantzako araudia urratzeagatik zigortuta ez egotea eskaera egin aurreko urtebetean.